



08757

產後編上卷目錄

產後總論

產前後方症宜忌

正產

傷產

調產

橫產

盤腸產

難產

凍產

熱產

斷臍

新產治法

產後用藥十誤

下胞

胎前患傷寒疫症瘧疾墮胎等症

血塊

血暈

厥症

血崩

產後編上卷目錄

氣短似喘

妄言妄見

傷食

忿怒


類瘧

類傷寒二陽症

類傷寒三陰症

類中風

類瘧



出汗

盜汗

口渴兼小便不利

遺尿

產後編上卷目錄

二

海山仙館叢書



產後編上 共四十三症

陽曲傅 山青主手著

產後總論

凡病起於血氣之衰脾胃之虛而產後尤甚是以丹溪先生論產後必大補氣血爲先雖有他症以末治之斯言盡治產之大旨若能擴充立方則治產可無過矣夫產後憂驚勞倦氣血暴虛諸症乘虛易入如有氣母專耗散有食母專消導熱不可用芩連寒不可用桂附寒則血塊停滯熱則新血崩流至若中虛外感見三陽表

產後編上 總論

一 海山仙館叢書

症之多似可汗也在產後而用麻黃則重竭其陽見三陰裏症之多似可下也在產後而用承氣則重亡陰血耳聾脇痛乃腎虛惡露之停休用柴胡謔語出汗乃元弱似邪之症非同胃實厥由陽氣之衰無分寒熱非大補不能回陽而起弱瘕因陰血之虧不論剛柔非滋榮不能舒筋而活絡乍寒乍熱發作無期症似瘧也若以瘧治遷延難愈言論無倫神不守舍病似邪也若以邪治危亡可待去血過多而大便燥結肉從蓉加於生化非潤腸承氣之能通去汗過多而小便短澀六君子倍

加參芪必生津助液之可利加參生化湯頻服救產後之危長生活命丹屢用甦絕穀之人癩疝脫肛多是氣虛下陷補中益氣之方口噤拳攣乃因血燥類風加參生化之劑產戶入風而痛甚服宜羌活養榮湯玉門傷涼而不閉洗宜蠅兒黃硫散怔忡驚悸生化湯加以定志似邪恍惚安神丸助以歸脾因氣而悶滿虛煩生化湯加木香爲佐因食而噯酸惡食六君子加神麴麥芽爲良蘇木莪木大能破血青皮枳殼最消滿脹一應耗氣破血之劑汗吐宣下之法止可施諸壯實豈宜用於

產後編上 總論

二 海山仙館叢書

胎產大抵新產後先問惡露如何塊痛未除不可遽加參朮腹中痛止補中益氣無疑至若亡陽脫汗氣虛喘促頻服加參生化湯是從權也又如亡陰火熱血崩厥暈速煎生化原方是救急也王太僕云治下補下治以急緩緩則道路達而力微急則氣味厚而力重故治產當遵丹溪而固本服法宜效太僕以頻加凡付生死之重寄須着意於極危欲求俯仰之無虧用存心於愛物此雖未盡產症之詳然所聞一症皆接近鄉治驗爲據亦未必無小補云

正產

正產者有腹或痛或止腰脇酸痛或勢急而胞未破名
弄胎服八珍湯加香附自安有胞破數日而痛尚緩亦
服上藥俟之

傷產

傷產者胎未足月有所傷動或腹痛臍痛或服催生藥
太早或產母努力太過遍見錯路不能正產故臨月必
舉動從容不可多睡飽食飲酒但覺腹中動轉卽正身
仰臥待兒轉順與其臨時費力不如先時慎重

產後編上

三

海山仙館叢書

調產

調產者產母臨月擇穩婆辦器用備參藥產時不可多
人喧鬧二人扶身或憑物站心煩用滾水調白蜜一匙
獨活湯更妙或飢服麩粥少許勿令飢渴有生息未順
者只說有雙胎或胎衣不下勿令產母驚恐

催生

催生者因坐草太早困倦難產用八珍湯稍佐以香附
乳香以助血氣胞衣早破漿血已乾亦用八珍湯

凍產

凍產者天寒血氣凝滯不能速生故衣裳宜厚產室宜
煖背心下體尤要

熱產

熱產者暑月宜溫涼得宜若產室人衆熱氣蒸逼致頭
痛面赤昏暈等症宜飲清水少許以解之然風雨陰涼
亦當避之

橫產

橫產者兒居母腹頭上足下產時則頭向下產母若用
力逼之胎轉至半而橫當令產母安然仰卧令其自順

產後編上

四
海山仙館叢書

穩婆以中指挾其肩勿使臍帶羈絆用催生藥努力即
生

當歸 紫蘇 各三錢 長流水煎服即下

一方用好京墨磨服之即下

一方用敗筆頭一個火煨以藕節自然汁調服之即

下

一方用益母草六兩濃煎加童便一大杯調服即下

盤腸產

盤腸產者產則子腸先出然後生子其腸或才即收以

葶麻子四十九粒研碎塗頭上腸收急急洗去遲則有害又方止用四十粒去皮研爲膏塗頂中收卽拭之如腸燥以磨刀水潤之再用磁石煎湯服之須陰陽家用過有驗者

難產

難產者交骨不開不能生產也服加味芎歸湯良久卽

下

小川芎一兩 當歸一兩 敗龜版一個 婦人髮灰一握

須用生過男女者爲末水一鍾煎七分服

產後編上

五 海山仙館叢書

死產

死產者子死腹中也驗母舌青黑其胎已死先用平胃散一服酒水各一鍾煎八分投朴硝煎服卽下用童便亦好後用補劑調理

下胞

胞衣不下用滾酒送下矢笑散一劑或益母丸或生化湯送鹿角灰一錢或以產母髮入口作吐胞衣卽出有氣虛不能送出者腹必脹痛單用生化湯

全當歸一兩 川芎三錢 白朮一錢 香附一錢 加人參

三錢 更妙用水煎服

一方用葶麻子二兩雄黃二錢研膏塗足下湧泉穴
衣下急速洗去

平胃散

南蒼木

米泔水
浸炒

厚朴

薑炒

陳皮

炙草

各二錢

共為粗末或水煎或酒煎煎成時加朴硝

二錢

再煎

一二沸溫服

失笑散

五靈脂

蒲黃

俱研為細末每服三錢熱酒下

產後編上

六

海山仙館叢書

斷臍

斷臍必以綿裹咬斷為妙如遇天寒或因難產母子勞
倦宜吹大麻油紙燃徐徐燒斷以助元氣雖兒已死令
煖氣入臍多得生切勿以刀斷之
滑胎散 臨月常服數劑以便易生

當歸

三五錢

川芎

五七錢

杜仲

二錢

熟地

三錢

枳壳

七分

山藥

二錢

水二鍾煎八分食前溫服如氣

體虛弱人加人參白朮隨宜服之如便實多滯者加

牛膝二錢

治產秘驗良方

治橫生逆產至數日不下一服卽下有未足月忽然

胎動一服卽安或臨月先服一服保護無虞更能治

胎死腹中及小產傷胎無乳者一服卽如原體

全當歸

川芎 各一錢五分

川貝母

一錢 去心

荆芥穗

黃芪

各八分

厚朴

薑炒

蘄艾

紅花

各七

兔絲子

錢二

分

白芍

一錢二分

枳壳

六分 麵炒

羌活

六分

甘草

五分

上十三味只用十二味不可加減安胎去紅花催生

去蘄艾用井水鍾半薑二片爲引熱服渣用水一鍾

產後編上

煎半鍾熱服如不好再用水一鍾煎半鍾服之卽效

不用二劑

催生兔腦丸

治橫生逆產神效

臘月兔腦髓 一個

母丁香 一個

乳香 一錢 另研

麝香

一分

兔腦爲丸芡實大陰乾密封用時以溫酒

送下一丸

奪命丹

臨產未產時目反口噤面黑唇青口中吐沫命在須

臾若臉面微紅子死母活急用蛇退 蚕故子

燒灰 不存

性 髮灰 一錢 乳香 五分 共為細末酒下

加味芎歸湯 治子宮不收產門不閉

人參 二錢 黃芪 一錢 川芎 一錢 當歸 二錢 升麻 八分

炙草 四分 五味子 十五粒 再不收加半夏 八分 白芍

六分 酒炒

新產治法

生化湯先連進二服若胎前素弱婦人見危症熱症墮胎不可拘貼數服至病退乃止若產時勞甚血崩形脫即加人參三四錢在內頻服無虞若氣促亦加

產後編上

海山仙館叢書

人參加參於生化湯者血塊無滯不可以參為補而弗用也有治產不用當歸者見偏之甚此方處置萬全必無一失世以四物湯治產地黃性寒滯血芍藥微酸無補伐傷生氣誤甚

產後用藥十誤

一因氣不舒而誤用耗氣順氣等藥反增飽悶陳皮用至五分禁枳實厚朴

二因傷氣而誤用消導反損胃氣至絕穀禁枳壳大

黃蓬稜麴朴

三因身熱而誤用寒涼必致損胃增熱禁芩連梔枳
升紫

四因日內未曾服生化湯勿用參芪朮以致塊痛不
消

五毋用地黃以滯惡露

六毋獨用枳殼牛膝枳實以消塊

七便秘毋用大黃芒硝

八毋用蘇木稜蓬以行塊芍藥能伐氣不可用

九毋獨用山查湯以玫瑰定痛而反損新血

產後編上

九
海山仙館叢書

十毋輕服濟坤丹以下胎下胞

產後危疾諸症當頻服生化湯隨症加減照依方論
產後寒熱

凡新產後榮衛俱虛身發寒熱身痛腹痛決不可妄
投發散之劑當用生化湯爲主稍佐發散之藥產後
脾虛易於停食以致身熱世人見有身熱便以爲外
感遽然發汗速亡甚矣當於生化湯中加扶脾消食
之藥大抵產後先宜補血次補氣若偏補氣而專用
參芪非善也產後補虛用參芪芎歸白朮陳皮炙草

熱輕則用茯苓淡滲之藥其熱自除重則加乾薑或云大熱而用薑何也曰此熱非有餘之熱乃陰虛内生熱耳蓋乾薑能入肺分利肺氣又能入肝分引眾藥生血然必與陰血藥同用之產後惡寒發熱腹痛者當主惡血若腹不痛非惡血也

產後寒熱口眼歪邪此乃氣血虛甚以大補爲主左手脉不足補血藥多於補氣藥右手脉不足補氣藥多於補血藥切不可用小續命等發散之藥

胎前患傷寒疫症瘧疾墮胎等症

產後編上

十

海山仙館叢書

胎前或患傷寒疫症瘧疾熱久必致墮胎墮後愈增熱因熱消陰血而又繼產失血故也治者甚勿妄論傷寒瘧疫未除誤投梔子豉湯紫芩連柏等藥雖或往來潮熱大小便秘五苓承氣等藥斷不可用只重產輕邪大補氣血頻服生化湯如形脫氣脫加生脉散以防血暈蓋川芎味辛能散乾薑能除虛火熱雖有便秘煩渴等症只多服生化湯自津液生而二便通矣若熱用寒劑愈虛中氣誤甚

產後諸症治法

血塊 第一

此症勿拘古方妄用蘇木蓬稜以輕人命其一應散血方破血藥俱禁用雖山查性緩亦能害命不可擅用惟生化湯係血塊聖藥也

生化湯原方

當歸 八錢

川芎

三錢

桃仁

十四粒去皮尖研

黑薑

五分

炙草

五分

用黃酒童便各半煎服

又益母九鹿角灰就用生化湯送下一錢外用烘熱衣

產後編上

血塊

上

瀋山館叢書

服緩和塊痛處雖大暑亦要和緩塊痛處有氣不運而暈迷厥切不可妄說惡血搶心只服生化湯為妙俗有生地牛膝行血山稜蓬朮敗血山查沙糖消塊蘄艾椒酒定痛反致昏暈等症切不可妄用二三四日內覺痛減可揉乃虛痛也宜加參生化湯

如七日內或因寒涼食物結塊痛甚者加入肉桂八分於生化湯內如血塊未消不可加參芪用之則痛不止總之慎勿用峻利藥勿多飲薑椒艾酒類服生化湯行氣助血外用熱衣以煖腹如用紅花以行之蘇木牛膝

肉桂一作三分

以攻之則誤其胎氣脹用烏藥香附以順之枳壳厚朴以舒之甚有青皮枳實蘇子以下氣定喘芩連梔子黃柏以退熱除煩至於血結更甚反用承氣湯下之而愈結汗多小便短濇反用五苓散通之而愈秘非徒無益而又害之也

凡兒生下或停血不下半月外尙痛或外加睡毒高寸許或身熱減飲食倦甚必用生化湯加三稜蓬朮肉桂等攻補兼治其塊自消如虛甚食少泄瀉只服此帖定痛且健脾胃進食止瀉然後服消塊湯

產後編上 血塊

三 海山仙館叢書

加味生化湯

治血塊日久不消
半月後方可用之

川芎

一錢

當歸

三錢

肉薑

四分

桃仁

十五粒

三稜

醋炒
六分

元胡

六分

肉桂

六分

象草

四分

分娩之後眼見黑花頭眩昏暈不省人事者一因勞倦甚而氣竭神昏二因大脫血而氣欲絕三因痰火乘虛泛上而神不守當急服生化湯二三帖外用韭菜細切納有嘴瓶中用滾醋二鍾冲入瓶內急冲產母鼻中卽醒若偏信古方認爲惡血搶心而輕用散血之劑認爲痰火而用無補消降之方誤甚矣

如暈厥牙關緊閉速煎生化湯挖開口將鵝毛探喉酒盞盛而灌之如灌下腹中漸溫暖不可拘帖數外用熱

產後編上

血暈

三

海山仙館叢書

手在單衣上從心揉按至腹常熱火煖之一兩時服生化湯四帖完卽神清始少緩藥方進粥服至十服而安故犯此者連灌藥火煖不可棄而不救若在冬月婦人身欠煖亦有大害臨產時必預煎生化湯預燒稱錘硬石子候兒下地連服二三帖又產婦枕邊行醋韭投醋瓶之法決無暈症又兒生時合家不可喜子而慢母產母不可顧子忘倦又不可產訖卽卧或忿怒逆氣皆致血暈慎之慎之

加味生化湯

治產後三等血暈症

川芎 三錢 當歸 六錢 黑薑 四分 桃仁 十粒

炙草 五分 荆芥 四分 炒黑 大棗水煎服

勞倦甚而暈及血崩氣脫而暈並宜速灌兩服如形

色脫或汗出而脫皆急服一帖卽加人參三四錢一

加肉桂四分決不可疑參為補而緩服痰火乘虛泛

上而暈方內加橘紅四分虛甚加人參二錢肥人多

痰再加竹瀝七分薑汁少許總不可用稜朮破血等

方其血塊痛甚兼送益母丸或鹿角灰或元胡散或

獨勝散上消血塊方服一服卽效不必易方從權救

產後編上 血暈

海山仙館叢書

急

加參生化湯 治產後形色脫暈或汗多脫暈

人參 三錢有倍加 川芎 二錢 當歸 五錢 炙草 四分

桃仁 十粒 炮薑 四分 大棗水煎服

脉脫形脫將絕之症必服此方加參四五錢頻灌

之產後血崩血暈兼汗多宜服此方無汗不脫只服

本方不必加參左尺脉脫亦加參此方治產後危急

諸症可通用一晝一夜必須服三四劑若照常症服

豈能接將絕之氣血扶危急之變症耶產後一二日

厥症 第三

婦人產後用力過多勞倦傷脾故逆冷而厥氣上胸滿
脉去形脫非大補不可豈錢數川芎當歸能回陽復神
乎必用加參生化湯倍參進二劑則氣血旺而神自生
矣厥自止矣若服藥而反渴另有生脉散獨參代茶飲
救臟之燥如四肢逆冷又泄痢類傷寒陰症又難用四
逆湯必用倍參生化湯加附子一片可以回陽止逆又
可以行參歸之力立二方於左分先後

加參生化湯 治產後發厥塊痛
未止不可加芩朮

產後編上 厥症 去 海山能館叢書

炮一作黑

川芎 三錢 當歸 四錢 炙草 五分 炮薑 四分

桃仁 十粒去
皮火研 人參 二錢 棗水煎進二服

滋榮益氣復神湯 治產後發厥問塊
痛已除可服此方

人參 三錢 黃芪 一錢 蜜炙 白朮 一錢 上炒 當歸 三錢

炙草 四分 陳皮 四分 五味 十粒 川芎 一錢

熟地 一錢 麥芽 一錢 棗一枚水煎服

手足冷加附子五分汗多加麻黃根一錢熟棗仁一

錢妄言妄見加益智柏子仁龍眼肉大便秘加肉蓯

蓉二錢大抵產後暈厥二症相類但暈在臨盆症急

甚於厥宜頻服生化湯幾帖塊化血旺神清暈止若
多氣促形脫等症必加參芪厥在分娩之後宜倍參
生化湯止厥以復神並補氣血也非如上偏補氣血
而可愈也要知暈有塊痛芪木不可加厥症若無塊
痛芪木地黃並用無疑也

產後編上

厥症

七

海山仙館叢書



蘇其木地黃並用無疑也

而血暈也更狀證言與証表木不可吐厥症香無對

寸寸是上厥以與脈並濟尿血非咳上調脈尿血

急厥宜服鎮善益成賦容其厥並食飲之對宜對容

若氣弱宜服鎮善益成賦容其厥並食飲之對宜對容

血崩 第四

產後血大來審血色之紅紫視形色之虛實如血紫有塊乃當去其敗血也止留作痛不可論崩如鮮紅之血乃是驚傷心不能生血怒傷肝不能藏血勞傷脾不能統血俱不能歸經耳當以崩治先服生化湯幾帖則行中自有補血凝氣生若形脫汗多氣促宜服倍參生化湯幾帖以益氣非棕灰之可止者如產後半月外崩又宜升舉大補湯治之此症虛極服藥平穩未見速效須二十帖後諸症頓除

產後編上 血崩

六 海山仙館叢書

生血止崩湯 治產後血崩

川芎 一錢 當歸 四錢 黑薑 四分 炙草 五分

桃仁 十粒 荊芥 五分 烏梅 五分 蒲黃 五分

棗水煎忌薑椒熱物生冷

鮮紅血大來荊芥穗炒黑白芷各五分血竭形敗加參三四錢汗多氣促亦加參三四錢無汗形不脫氣促只服生化湯多服則血自平有言歸芎但能活血甚誤

升舉大補湯 滋榮益氣如有塊動只服前方葦末勿用

凡止崩用荆芥俱宜炒黑

此方宜於血崩

黃芪 白朮 陳皮 各四分 人參 二錢 炙草

升麻 各四分 當歸 熟地 各二錢 麥冬 一錢

川芎 一錢 白芷 四分 黃連 三分 荆芥穗 四分 炒黑

汗多加麻黃根一錢浮麥炒一小撮大傾不通加肉

菴蓉一錢禁用大黃有氣磨木香三分痰加貝母六

分竹瀝薑汁少許寒嗽加杏仁十粒桔梗五分知母

一錢驚加棗仁柏子仁各一錢傷飯加神麩麥芽各

一錢傷肉食加山查砂仁各八分俱加棗水煎身熱

不可加連柏傷食怒氣均不可專用耗散無補藥凡

產後編上 血崩 九

年老虛人患崩宜升舉大補湯

...

...

...

...

...

...

...

...

海山仙館叢書

因血脫勞甚氣無所恃呼吸止息違其常度有認為痰
火反用散氣化痰之方誤人性命當以大補血為主如
有塊不可用參芪朮無塊方可用本方法去桃仁加熟地
並附子一片足冷加熟附子一錢及參朮陳皮接續補
氣養榮湯

加參生化湯

治分娩下即患氣短者有塊不可加芪朮

川芎 二錢

當歸 四錢

炙草 五分 黑薑 四分

桃仁 十粒去

皮尖研

人參 二錢

引加棗一枚連進二三帖後

產後編上

氣短似喘

三

海山仙館叢書

再用後方

補氣養榮湯

治產後氣短促血塊不痛宜服此方

黃芪 一錢

白朮 一錢

當歸 四錢

人參 三錢

陳皮 四分

炙草 四分

熟地 二錢

川芎 二錢

黑薑 四分

如手足冷加熟附子一錢汗多加麻黃根

一錢浮麥一小撮渴加麥冬一錢五味子十粒大便

不通加肉蓯蓉一錢麻仁一撮傷麩飯加炒神麩一

錢炒麥芽一錢傷肉食加山查砂仁各五分

按麥芽有回乳之害用者慎之

黃芪白朮一
作各二錢

凡止汗用浮
麥宜炒

此各二錢
黃芪白朮一

由氣血虛神魂無依也治當論塊痛有無緩急若塊痛未除先服生化湯二三帖痛止繼服加參生化湯或補中益氣湯加安神定志丸湯丸調服之若產日久形氣俱不足即當大補氣血安神定志服至藥力充足其病自愈勿謂邪祟若噴以法水驚之每至不救屢治此症服藥至十數帖方效病虛似邪欲除其邪先補其虛先調其氣次論諸病此古人治產後虛症及年老虛喘弱人妄言所當用心也

產後編上

妄言妄見

三

海山仙館叢書

安神生化湯

治產後塊痛未止妄言妄見症未可用芪末

川芎 一錢

柏子仁 一錢

人參 一二錢

當歸 二三錢

茯神 二錢

桃仁 十二粒

黑薑 四分

炙草 四分

益智 八分

陳皮 三分

棗水煎

滋榮益氣復神湯

塊痛已止妄言妄見服此方即愈

黃芪

白朮

麥冬

川芎

柏子仁

茯神

益智 各一錢

人參

熟地 各二錢

陳皮 三分

炙草 四分

棗仁 十粒

五味子 十粒

蓮子 八枚

元肉 八個 棗水煎服

產後血崩血脫氣喘氣脫神脫妄言雖有血氣陰陽之分其精散神去一也此暈後少緩亦危症也若非厚藥頻服失之者多矣誤論氣實痰火者非也新產有血塊痛並用加參生化湯行中有補斯免滯血血暈之失也其塊痛止宜用升舉大補湯少佐黃連墜火以治血脫安血歸經也宜用倍參補中益氣湯少佐附子助參以治氣脫攝氣歸淵也宜用滋榮益氣復神湯少佐痰劑以清心火安君主之官也

產後編上

妄言妄見

三

海山仙館叢書

此類下... 大凡... 學... 育... 聖... 本... 示... 示... 示...

傷食 第七

新產後禁膏梁遠厚味如飲食不節必傷脾胃治當扶元溫補氣血健脾胃審傷何物加以消導諸藥生化湯加神麩麥芽以消麩食加山查砂仁以消肉食如寒冷之物加吳萸肉桂如產母虛甚加人參白朮又有塊然後消補並治無有不安者屢見治者不重產後之弱惟知速消傷物反損真氣益增滿悶可不慎哉

加味生化湯

治血塊未消服此以消食

川芎 二錢

當歸 五錢

黑薑 四分

炙草 五分

桃仁 十粒

產後編上

傷食

三

海山仙館叢書

問傷何物加法如前煎服

健脾消食生化湯

治血塊已除服此消食

川芎 一錢

人參

當歸 各二錢

白朮 一錢半

炙草 五分

審傷何物加法如前

如停寒物日久脾胃虛弱恐藥不能運用可用揉按炒神麩熨之更妙凡傷食誤用消導藥反絕喘幾日者宜服此方

長生活命丹

人參三錢水一鍾半煎半鍾先用參湯一盞以米飯
鍋焦研粉三匙漸漸加參湯鍋焦粉引開胃口煎參
湯用新礮或銅杓恐聞藥氣要嘔也如服寒藥傷者
加薑三大片煎湯人參名活命草鍋焦名活命丹此
方會活數十人

產後編上

傷食

三

海山仙館叢書



人參煎連十人

人參煎連十人

人參煎連十人

人參煎連十人

人參煎連十人

念怒 第八

產後怒氣逆胸膈不利血塊又痛宜用生化湯去桃仁服時磨木香二分在內則塊化怒散不相悖也若輕產重氣偏用木香烏藥枳殼砂仁之類則元氣反損益增滿悶又加怒後卽食胃弱停悶當審何物治法如前慎勿用木香枳榔丸流氣引子之方使虛弱愈甚也

木香生化湯

治產後血塊已除因受氣者

川芎

二錢

當歸

六錢

陳皮

三分

黑薑

四分

服時磨木

香二分在內此方減桃仁用木香陳皮前有減乾薑

產後編上

念怒

五

海山仙館叢書

者詳之

健脾化食散氣湯

治受氣傷食無塊痛者

白朮

二錢

當歸

二錢

川芎

一錢

黑薑

四分

人參

二錢

陳皮

三錢

審傷何物加法如前大抵產後念怒氣逆及停食

症善治者重產而輕怒氣消食必以補氣血爲先佐

以調肝順氣則怒鬱散而元不損佐以健脾消導則

停食行而思穀矣若耑理氣消食非徒無益而又害

陳皮一作三分又有參四分存參

之念怒

類瘧第九

產後寒熱往來每日應期而發其症似瘧而不可作瘧
治夫氣血虛而寒熱更作元氣虛而外邪或侵或嚴寒
或極熱或晝輕夜重或日晡寒熱絕類瘧症治當滋榮
益氣以退寒熱有汗急宜止或加麻黃根之類只頭有
汗而不及於足乃孤陽絕陰之危症當加地黃當歸之
類如陽明無惡寒頭痛無汗且與生化湯加羌活防風
連鬚葱白數根以散之其柴胡清肝飲等方常山草菓
等藥俱不可用

產後編上

類瘧

三

海山仙館叢書

滋榮養氣扶正湯

治產後寒熱有汗
午後應期發者

人參 二錢

炙黃芪

白朮

川芎

熟地

麥冬

麻黃根

各一錢

當歸

三錢

陳皮

四分

炙草

五分

棗水煎

加減養胃湯

治產後寒熱往來
頭痛無汗類瘧者

炙草

四分

白茯苓

一錢

半夏

八分

川芎

一錢

陳皮

四分

當歸

二錢

蒼朮

一錢

霍香

四分

人參

一錢

薑引煎服有痰加竹瀝薑汁半夏神麴弱人兼服河

車丸凡久瘡不愈兼服參朮膏以助藥力

參朮膏

白朮 一斤
米泔浸一宿剉焙人參 一兩
用水六碗煎
二碗再煎二次共汁六碗合在一處將藥汁又熬成
一碗空心米湯化半酒盞

產後編上

類瘡

三

海山仙館叢書

類傷寒二陽症 第十

產後七日內發熱頭痛惡寒毋專論傷寒為太陽症發熱頭痛脇痛毋專論傷寒為少陽症二症皆由氣血兩虛陰陽不和而類外感治者慎勿輕產後熱門而用麻黃湯以治類太陽症又勿用柴胡湯以治類少陽症且產母脫血之後而重發其汗虛虛之禍可勝言哉昔仲景云亡血家不可發汗丹溪云產後切不可發表二先生非謂產後真無傷寒之兼症也非謂麻黃湯柴胡湯之不可對症也誠恐後輩學業偏門而輕產執成方而發表耳誰知產後真感風感寒生化中芎藭亦能散之乎

產後編上

類傷寒二陽

天

海山仙館叢書

加味生化湯

治產後三日內發熱頭痛症

川芎

防風

各一錢

當歸

三錢

炙草

四分

桃仁

十粒

羌活

四分

一本無桃仁
有黑姜四分

查刊本去桃仁然必須問有塊痛與否方可議去服二帖後頭仍痛身仍熱加白芷八分細辛四分如發熱不退頭痛如故加連鬚葱五個人參三錢產後敗血不散亦能作寒作熱何以辨之曰時有刺痛者敗

類傷寒三陰症 第十一

潮熱有汗大便不通母專論為陽明症口燥咽乾而渴
母專論為少陰症腹滿液乾大便實母專論為太陰症
又汗出譫語便閉母專論為腸胃中燥蘊宜下症數症
多由勞倦傷脾運化稽遲氣血枯槁腸腑燥涸乃虛症
類實當補之症治者勿執偏門輕產而妄議三承氣湯
以治類三陰之症也間有少壯產後妄下幸而無妨虛
弱產婦亦復妄下多致不救屢見妄下成膨誤導反結
又有血少數日不通而卽下致瀉不止者危哉婦人良
方云產後大便秘若計其日期飯食數多卽用藥通之
禍在反掌必待腹滿覺脹欲去不能者反結在直腸宜
用豬胆汁潤之若日期雖久飲食如常腹中如故只用
補劑而已若服苦寒疏通反傷中氣通而不止或成痞
滿誤矣

養正通幽湯

治產後大便秘結
類傷寒三陰症

川芎 二錢半

當歸 六錢

炙草 五分

桃仁 十五粒

麻仁 二錢

炒

肉苁蓉

酒洗去甲 一錢

汗多便實加黃芪

一錢

麻黃根

一錢

人參 二錢

口燥渴加人參麥冬 各一

產後編上

類傷寒三陰

三

海山仙館叢書

錢
腹滿溢便實加麥冬 一錢 枳壳 六分 人參 二錢

茯苓 一錢 汗出譫語便實乃氣血虛竭精神失守宜

養榮安神加茯神遠志菴蓉各 一錢 人參白朮各 二錢

黃芪白芷各 一錢 柏子仁 一錢

以上數等大便燥結症非用當歸人參至斤數難取

功效大抵產後虛中傷寒口傷食物外症雖見頭痛

發熱或脇痛腰痛是外感宜汗猶當重產亡血禁汗

惟宜生化湯量為加減調理無失又如大便秘結猶

當重產亡血禁下宜養正助血通滯則穩當矣

產後編上 類傷寒三陰 三 海山仙館叢書

又潤腸粥 治產後日久大便不通

芝麻一升研末和米二合煮粥食腸潤即通

類中風 第十二

產後氣血暴虛百骸少血濡養忽然口噤牙緊手足筋脉拘攣等症類中風癰瘰雖虛火泛上有痰皆當以末治之勿執偏門而用治風消痰之方以重虛產婦也治法當先服生化湯以生旺新血如見危症三服後即用加參益氣以救血脫也如有痰火少佐橘紅炒芩之類竹瀝薑汁亦可加之黃柏黃連切不可並用慎之

滋榮活絡湯

治產後血少口噤項強筋攣類風症

川芎 一錢半

當歸

熟地

人參

各二錢

黃芪

產後編上

類中風

三

海山仙館叢書

茯苓

天麻

各一錢

炙草

陳皮

荆芥穗

防風

羌活

各四分

黃連

八分薑汁炒

有痰加竹瀝

薑汁半夏渴加麥冬葛根有食加山楂砂仁以消肉食神麩麥芽以消飯食大便閉加肉蓯蓉一錢半汗

多加麻黃根一錢驚悸加棗仁一錢

天麻丸

治產後中風恍惚語澁四肢不利

天麻

一錢

防風

一錢

川芎

七分

羌活

七分

人參

遠志

柏子仁

山藥

麥冬

各一錢

棗仁

一兩

細辛

四兩

南星麩

八分

石菖蒲

一錢

研細末

煉蜜為

一木棗仁用
一錢細辛用
四分存參

九辰砂爲衣清湯下六七十丸

產後編上

類中風

三

海山仙館叢書



凡天海... 卷之六十九

類瘧 第十三

產後汗多即變瘧者項強而身反氣息如絕宜速服加減生化湯

專治有汗變瘧者

川芎 麻黃根 各一錢 當歸 四錢 桂枝 五分

人參 一錢 炙草 五分 羌活 五分 天麻 八分

附子 一片 羚羊角 八分

如無汗類瘧者中風用川芎 三錢 當歸 一兩酒洗

棗仁 防風 俱無分量

產後編上 類瘧

海山山館叢書

一本引用生薑一片棗一枚

一

人參 一錢 炙草 五分 羌活 五分 天麻 八分

川芎 一錢 麻黃根 一錢 當歸 四錢 桂枝 五分

附子 一片 羚羊角 八分

川芎 一錢

產後汗多即變瘧者項強而身反氣息如絕宜速服加

凡分娩時汗出由勞傷脾驚傷心恐傷肝也產婦多兼三者而汗出不可即用斂汗之劑神定而汗自止若血塊作痛莖木未可遽加宜服生化湯二三帖以消塊痛隨繼服加參生化湯以止虛汗若分娩後倦甚澀澀然汗出形色又脫乃亡陽脫汗也汗本亡陽陽亡則陰隨之故又當從權速灌加參生化湯倍參以救危惡毋拘塊痛婦人產多汗當健脾以斂水液之精益榮衛以噓血歸源灌漑四肢不使妄行雜症雖有自汗盜汗之分然當歸六黃湯不可治產後之盜汗也並宜服加參生化湯及加味補中益氣三方若服參芪而汗多不止及頭出汗而不至腰足必難療矣如汗出而手拭不及者不治產後汗出氣喘等症虛之極也不受補者不治麻黃根湯 治產後虛汗不止

產後編上

出汗

三

海山仙館叢書

人參 二錢 當歸 三錢 黃芪 一錢半 白朮 一錢

桂枝 五分 麻黃根 二錢 粉草 五分 牡蠣 研少許

浮麥 一大撮

虛脫汗多手足冷加黑薑四分熟附子一片湯加麥

冬一錢五味十粒肥白人產後多汗加竹瀝一盞薑汁一小匙以清痰火惡風寒加防風桂枝各五分血塊不落加熟地三錢晚服入味地黃丸

山茱萸

山藥

丹皮

雲苓

各八錢

澤瀉

五錢

熟地

八錢

五味子

五錢

炙黃芪

一兩

煉蜜爲丸陽加於陰則汗因而遇風變爲痲癢者有之尤難治故汗多宜謹避風寒汗多小便不通乃亡津液故也勿用利水藥

產後編上

出汗

三

海山仙館叢書

盜汗 第十五

產後睡中汗出醒來即止猶盜瞰人睡而謂之盜汗非汗自至之比雜症論云自汗陽虧盜汗陰虛然當歸六黃湯又非產後盜汗方也惟兼氣血而調治之乃為得耳

止汗散

治產後盜汗

人參

二錢

當歸 二錢

熟地 一錢

半

麻黃根

五分

黃連

五分酒炒

浮小麥

一大撮

棗一枚

又方

產後編上

盜汗

三

海山仙館叢書

仕蠣

煨細末五分

小麥麵

炒黃研末

一木牡蠣小
麥炒黃各五
分空心調服

口渴兼小便不利 第十六

產後煩燥咽乾而渴兼小便不利由失血汗多所致治當助脾益肺升舉氣血則陽升陰降水入經而為血為液穀入胃而氣長脉行自然津液生而便調利矣若認口渴為火而用芩連梔柏以降之認小便不利為水滯而用五苓散以通之皆失治也必因其勞損而溫之益之因其留滯而濡之行之則庶幾矣

人參 麥冬 當歸 生地 各三錢 黃芪 一錢

產後編上

口渴兼小便不利

海山仙館叢書

葛根 一錢 升麻 炙草 各四分 茯苓 八分

五味子 十五粒

汗多加麻黃根一錢浮小麥一大撮大便燥加肉苳蓉一錢五分渴甚加生脉散不可疑而不用

口渴兼小便不利... 產後編上... 海山仙館叢書... 第十六

遺尿 第十七

氣血太虛不能約束宜八珍湯加升麻柴胡甚者加熟
附子一片

產後編上

遺尿

三

海山仙館叢書



產後編上 終

嘉應李 性校

產後編下卷目錄

誤破尿胞

患淋

便數

瀉

完穀不化

痢

霍亂

嘔逆不食

產後編下卷目錄

咳嗽

水腫

流注

膨脹

怔忡驚悸

骨蒸

心痛

腹痛

小腹痛

虛勞

遍身疼痛

腰痛

脇痛

陰痛

惡露

乳瘋

風甚

不語

補編

大便不通

雞爪風

浮腫

產後編下卷目錄

二

海山仙館叢書

產後編下

陽曲傅 山青主手著

誤破尿胞 第十八

胞破女科下
卷另有方極
委且效

產理不順穩婆不精誤破尿胞膀胱者用參芪為君歸
芎為臣桃仁陳皮茯苓為佐猪羊尿胞煎藥百服乃安
又方云用生黃絲絹一尺白牡丹皮根為末白芨末各
二錢水二碗煮至絹爛如飴服之宜靜卧不可作聲名
補脬飲神效

產後編下

誤破尿胞

一 海山仙館叢書



卷十八

山青主手著

患淋 第十九

由產後虛弱熱客於脬中內虛頻數熱則小便淋澀作

痛曰淋

茅根湯 凡產後冷熱淋並治之

石膏 一兩 白茅根 一兩 瞿麥 白茯苓 各五錢

葵子 人參 桃膠 滑石 各一錢 石首魚頭 四個

燈心水煎入齒末空心服

一本小許載
症由內虛方
用石膏一兩
無此治法不
可拘執陳方
以致誤人
一本石膏作
一錢無滑石

一作各等分

又方 治產後小便痛淋血

白茅根 瞿麥 葵子 車前子 通草 以上俱無分量

產後編下 患淋

二 海山仙館叢書

鯉魚齒 一百個 水煎服亦入齒末

鯉草 無分量以上用

按齒末疑均是鯉魚齒

葵子 人參 淋瀝 滑石 各一錢 石首魚頭 四個

白茅根 一兩 瞿麥 白茯苓 各五錢

葵子 人參 淋瀝 滑石 各一錢 石首魚頭 四個

賦曰淋

由產後虛弱熱客於脬中內虛頻數熱則小便淋澀作

患淋 第十九

便數 第二十

由腠內素有冷氣因產發動冷氣入腠故也用赤石脂
二兩為末空心服

又方治小便數及遺尿用益智仁二十八枚為末米飲
送下二錢

又桑螵蛸

桑螵蛸 三十個 人參 黃芪 鹿茸 牡蠣

赤石脂 各三錢 為末空心服二錢米飲送下

產後編下 便數

三 海山仙館叢書

桑寄生 三十個 黃芪 鹿茸 牡蠣

桑寄生 三十個 黃芪 鹿茸 牡蠣

又桑螵蛸

又桑螵蛸

又方治小便數及遺尿用益智仁二十八枚為末米飲

送下二錢

又方治小便數及遺尿用益智仁二十八枚為末米飲

送下二錢

產後泄瀉非雜症有食泄濕泄水穀注下之論大率氣虛食積與濕也氣虛宜補食積宜消濕則宜燥然惡露未淨遽難驟燥當先服生化湯二三帖化舊生新加茯苓以利水道俟血生然後補氣以消食燥濕以分水道使無滯澁虛虛之失若產旬日外方論雜症尤當論虛實而治也如痛下清水腹鳴米飲不化者以寒泄治如糞水黃赤肛門作痛以熱泄治之有因飲食過多傷脾成泄氣臭如敗卵以食積治之又有脾氣久虛少食

產後編下

瀉

四 海山仙館叢書

食下即鳴急盡下所食之物方覺快者以虛寒泄治之治法寒則溫之熱則清之脾傷食積分利健脾兼消補虛善為調治無失也產後虛瀉眠昏人不識弱甚形脫危症必用人參二錢白朮茯苓各二錢附子一錢方能回生若脉浮弦按之不鼓即為中寒此蓋陰先亡而陽欲去速宜大補氣血加附子黑薑以回元陽萬勿忽視加減生化湯

治產後塊未消患瀉症

- 川芎 二錢
- 茯苓 二錢
- 當歸 四錢
- 黑薑 五分
- 炙草 五分
- 桃仁 十粒
- 蓮子 八枚
- 水煎溫服

健脾利水生化痰湯 治產後塊已除患瀉症

川芎 一錢 茯苓 一錢半 歸身 二錢 黑薑 四分

陳皮 五分 炙草 五分 人參 三錢 肉果 一個製

白朮 一錢 澤瀉 八分 土炒

寒瀉加乾薑八分寒痛加砂仁炮薑各八分熱瀉加炒黃連八分瀉水腹痛米飲不化加砂仁八分麥芽山查各一錢瀉有酸噯臭氣加神麩砂仁各八分脾氣久虛瀉出所食物方快以虛寒論瀉水者加蒼朮一錢以燥濕脾氣弱元氣虛必須大補佐消食清熱却寒藥弱甚形色脫必須第一方參朮苓附必用之藥也諸瀉俱加升麻酒炒蓮子十粒

產後編下

瀉

五

海山仙館叢書

[Faint bleed-through text from the reverse side of the page, including characters like '白朮', '茯苓', '人參', '肉果', '神麩', '砂仁', '蒼朮', '升麻', '蓮子', '麥芽', '黃連', '神麩', '砂仁', '蒼朮', '升麻', '蓮子', '麥芽', '黃連']

因產後勞倦傷脾而運轉稽遲也名殮泄又飲食太過脾胃受傷亦然俗呼水穀痢是也然產方三日內塊未消化此脾胃衰弱參芪朮未可遽加且服生化湯加益智香砂少溫脾氣俟塊消後加參芪朮補氣肉菓木香砂仁益智溫胃升麻柴胡清胃氣澤瀉茯苓陳皮以利水為上策也

加味生化湯 治產後三日內完穀不化塊未消者

川芎 一錢 益智 一錢 當歸 四錢 黑薑 四分

產後編下 完穀不化

六 海山仙館叢書

炙草 四分 桃仁 十粒 茯苓 一錢半

參苓生化湯 治產後三日內塊已消穀不化胎前素弱患此症者

川芎 一錢 當歸 二錢 黑薑 四分 炙草 五分

人參 二錢 茯苓 一錢 白芍 一錢 益智 一錢

白朮 二錢 肉果 一個製

瀉水多加澤瀉木通各八分腹痛加砂仁八分渴加麥冬五味子寒瀉加黑薑一錢木香四分食積加神麩麥芽消飯麵砂仁山查消肉食產後瀉痢日久胃氣虛弱完穀不化宜溫助胃氣六君子湯加木香四

一本當歸作三錢有棗一

秋

一本有蓮子八枚去心棗二枚

分肉果一個製

產後編下

完穀不化

七

海山仙館叢書



分肉果一個製

一本作十數日

產後七日內外患赤白痢裏急後重頻併最為難治欲調氣行血而推蕩痢邪猶患產後元氣虛弱欲滋榮益氣而大補虛弱又助痢之邪惟生化湯減乾薑而代以木香茯苓則善消惡露而兼治痢疾並行而不相悖也再服香連丸以俟一二日後病勢如減可保無虞若產七日外有患褐花色後重頻並虛痢即當加補無疑若產婦稟厚產期已經二十餘日宜服生化湯加連芩厚朴芍藥行積之劑

產後編下

痢

八

海山仙館叢書

加減生化湯

治產後七日內患痢

川芎

二錢

當歸

五錢

炙草

五分

桃仁

十二粒

茯苓

一錢

陳皮

四分

木香

磨三分

紅痢腹痛加砂仁八分

青血丸

治禁口痢

香連為末加蓮肉粉各一兩半和勻為丸酒送下四

錢

凡產三四日後塊散痢疾少減共十症開後依治

一產後久瀉

一本神麩麥
芽下有各一
錢

元氣下陷大便不禁肛門如脫宜服六君子湯加

木香四分肉果一個製薑汁五分

二產後瀉痢

色黃乃脾土真氣虛損宜服補中益氣湯加木香

肉果

三產後傷麵食

瀉痢宜服生化湯加神麩麥芽

四產後傷肉食

瀉痢宜服生化湯加山查砂仁

產後編下痢

五產後胃氣虛弱

瀉痢完穀不化當溫助胃氣宜服六君子湯加木

香四分肉菓一個製

六產後脾胃虛弱

四肢浮腫宜服六君子湯加五皮散

見後水腫

七產後瀉痢

無后重但久不止宜服六君子湯加木香肉菓

八產後赤白痢

臍下痛當歸厚朴黃連肉菓甘草桃仁川芎

九 海山仙館叢書

九產後久痢

色白屬血虛宜四物湯加荆芥人參

十產後久痢

色赤屬氣虛宜六君子湯加木香肉菓

產後編下

痢

十

海山仙館叢書



色白屬血虛宜四物湯加荆芥人參

十產後久痢

色赤屬氣虛宜六君子湯加木香肉菓

九產後久痢

霍亂 第二十四

由勞傷氣血臟腑空虛不能運化食物及感冷風所致
陰陽升降不順清濁亂於脾胃冷熱不調邪正相搏上

下為霍亂

生化六和湯 治產後血塊痛
未除患霍亂

川芎 二錢 當歸 四錢 黑薑 炙草 陳皮

藿香 各四分 砂仁 六分 茯苓 一錢 薑三片煎

附子散 治產後霍亂吐瀉手足
逆冷須無塊痛方可服

白朮 一錢 當歸 二錢 陳皮 黑薑 丁香

產後編下 霍亂

上海山仙館叢書

甘草 各四分

共為末粥飲送下二錢

溫中湯 治產後霍亂吐瀉不
止無塊痛者可服

人參 一錢 白朮 一錢 當歸 二錢 厚朴 八分

黑薑 四分 茯苓 一錢 草豆蔻 六分

薑三片水煎服

四本有附子
五分

五本有附子

嘔逆不食 第二十五

產後勞傷臟腑寒邪易乘於腸胃則氣逆嘔吐而不下
食也又有瘀血未淨而嘔者亦有痰氣入胃胃口不清
而嘔者當隨症調之

加減生化湯 治產婦嘔逆不食

川芎 一錢 當歸 三錢 黑薑 砂仁 藿香 各五分

淡竹葉 七片

水煎和薑汁二匙服

溫胃丁香散 治產後七日
外嘔逆不食

產後編下 嘔逆不食 主 海山仙館叢書

當歸 三錢 白朮 二錢 黑薑 四分 丁香 四分

人參 一錢 陳皮 五分 炙草 五分 前胡 五分

藿香 五分 薑 三片 水煎服

石蓮散 治產婦嘔吐
心冲目眩

石蓮子 去壳去心 白茯苓 一兩 丁香 五分

共為細末米飲送下

生津益液湯 治產婦虛弱口渴氣少由產
後血少多汗內煩不生津液

人參 麥冬 去心 茯苓 各一兩 大棗 竹葉

浮小麥 炙草 括蕞根 大渴不止加蘆根

一本有白朮
無白茯苓丁
香作五錢用
者酌之

一本人參一
錢麥冬茯苓
三錢存參

治產後七日內外感風寒咳嗽鼻塞聲重惡寒勿用麻黃以動汗嗽而脇痛勿用柴胡湯嗽而有聲痰少面赤勿用涼藥凡產有火嗽有痰嗽必須調理半月後方可用涼藥半月前不當用

加味生化湯

治產後外感風寒咳嗽及鼻塞聲重

川芎 一錢

當歸 二錢

杏仁 十粒

桔梗 四分

知母 一本作四分

知母 八分

有痰加半夏麴虛弱有汗咳嗽加人參總之產後不

產後編下

咳嗽

三

海山仙館叢書

可發汗

加參安肺生化湯

治產後虛弱旬日內外感風寒咳嗽聲重有痰或身熱頭痛及汗多者

川芎 一錢

人參 一錢

知母 一錢

桑白皮 一錢

當歸 二錢

杏仁 十粒去皮尖

甘草 四分

桔梗 四分

半夏 七分

橘紅 三分

虛人多痰加竹瀝一杯薑汁半匙

加味四物湯

治半月後乾嗽有聲痰少者

川芎

白芍

知母

瓜蒌仁 各一錢

生地

當歸 各二錢

訶子 二錢

冬花 六分

桔梗 四分

甘草 四分
兜鈴 四分
生薑 一大片

產後編下

咳嗽

西

海山仙館叢書



甘草
風
論
玉
大

水腫 第二十七

產後水氣手足浮腫皮膚見光榮色乃脾虛不能制水
腎虛不能行水也必以大補氣血為先佐以蒼朮白朮
茯苓補脾壅滿用陳皮半夏香附消之虛人加人參木
通有熱加黃芩麥冬以清肺金健脾利水補中益氣湯
七日外用人參白朮各二錢茯苓白芍各一錢陳皮五
分木瓜八分紫蘇木通大腹皮蒼朮厚朴各四分大便
不通加郁李仁麻仁各一錢如因寒邪濕氣傷脾無汗
而腫宜薑皮半夏蘇葉加於補氣方以表汗

產後編下

水腫

五

海山仙館叢書

五皮散

治產後風濕客傷脾經氣血凝滯以致面目浮虛四肢腫脹氣喘

五加皮

地骨皮

大腹皮

茯苓皮

各一錢

薑皮

一錢

棗一枚水煎服

又云產後惡露不淨停留胞絡致令浮腫若以水氣治之投以甘遂等藥誤矣但服調經散則血行而腫消矣

調經散

沒藥

另研

琥珀

另研各一錢

肉桂

赤芍

各一錢

當歸

各一錢

右為細末每服五分薑汁酒各少許調服

此方能調經治腹痛

產後惡露流於腰臂足關節之處或漫腫或結塊久則腫起作痛肢體倦怠急宜用葱熨法以治外腫內服參歸生化湯以消血滯無緩也未成者消已成者潰

葱熨法

用葱一握炙熱搗爛作餅敷痛處用厚布二三層以熨斗火熨之

參歸生化湯

川芎 一錢半 當歸 二錢 炙草 五分 人參 二錢

產後編下

流注

六 海山仙館叢書

黃芪 一錢半 肉桂 五分 馬蹄香 二錢

此症若不補氣血節飲食慎起居未有得生者如腫起作痛起居飲食如常是病氣未深形氣未損易治若漫腫微痛起居倦怠飲食不足最難治或未成膿未潰氣血虛也宜服八珍湯增寒惡寒陽氣虛也宜服十全大補湯補後大熱陰血虛也宜服四物湯加參朮丹皮嘔逆胃氣虛也宜服六君子湯加炮薑乾薑食少體倦脾氣虛也宜服補中益氣湯四肢冷逆小便頻數腎氣虛也補中益氣湯加益智仁一錢神

仙迴洞散治產後流注惡露日久成腫用此宣導其
膿若未補氣血旺不可服此方

產後編下

流注

七

海山仙館叢書



此藥未詳原血五不臣服此方
仙迴洞散治產後流注惡露日久成腫用此宣導其

膨脹 第二十九

婦人素弱臨產又勞中氣不足胸膈不利而轉運稽遲
若產後即服生化湯以消塊止痛又服加參生化湯以
健脾胃自無中滿之症其膨脹因傷食而誤消因氣鬱
而誤散多食冷物而停留惡露又因血虛大便燥結誤
下而愈脹殊不知氣血兩虛血塊消後當大補氣血以
補中虛治者若但知傷食宜消氣鬱宜散惡露當攻便
結可下則胃氣反損滿悶益增氣不升降濕熱積久遂
成膨脹豈知消導坐於補中則脾胃強而所傷食氣消
散助血兼行大便自通惡露自行

產後編下

膨脹

大 海山仙館叢書

如產後中風氣不足微滿誤服耗氣藥而脹者服補中
益氣湯

人參 五分 當歸 五分 白朮 五分 白茯苓 一錢

川芎 四分 白芍 四分 蘿蔔子 四分 木香 三分

如傷食誤服消導藥成脹或脇下積塊宜服健脾湯

人參 白朮 當歸 各三錢 白茯苓 白芍

神麩 吳萸 各一錢 大腹皮 陳皮 各四分

砂仁 麥芽 各五分

一本人參白
米作二錢

一本人參白
米俱作一錢
當歸作二錢
有薑一片

如大便不通誤服下藥成脹及腹中作痛宜服養榮生
化湯

當歸 四錢 白芍 一錢 白茯苓 一錢 人參 一錢

白朮 二錢 陳皮 五分 大腹皮 五分 香附 五分

茯苓 一錢 桃仁 十粒

製

塊痛將藥送四消丸屢誤下須用參歸半斤大便方通

膨脹方退凡誤用消食耗氣藥以致絕穀長生活命丹

屢效 方見傷食條

產後編下

膨脹

九

海山仙館叢書



由產憂驚勞倦去血過多則心中跳動不安謂之怔忡若惕然定驚心中怯怯如人將捕之狀謂之驚悸治此二症惟調和脾胃志定神清而病愈矣如分娩後血塊未消宜服生化湯且補血行塊血旺則怔定驚平不必加安神定志劑如塊消痛止後患此宜服加減養榮湯

當歸 二錢 川芎 二錢 茯神 一錢 人參 一錢

棗仁 一錢 麥冬 一錢 遠志 一錢 白朮 一錢

黃芪 一錢 元肉 八枚 陳皮 四分 炙草 四分

產後編下

怔忡驚悸

三 海山仙館叢書

薑煎虛煩加竹瀝薑汁去川芎麥冬再加竹茹一團

加木香即歸脾湯

養心湯 治產後心血不定心神不安

炙黃芪 一錢 茯神 八分 川芎 八分 當歸 二錢

麥冬 一錢 遠志 八分 柏子仁 一錢 人參 一錢半

炙草 四分 五味 十粒 薑水煎服

一本有元肉六枚

骨蒸 第三十一

宜服保真湯先服清骨散

柴胡梅連湯

即清骨散作湯速效

柴胡 前胡 黃連 烏梅 去核

各二兩共為末聽用再將猪脊骨一條猪苦胆一個
菲菜白十根各一寸同搗成泥入童便一酒盞攪如
稀糊入藥末再搗為丸如菉豆大每服三四丸清
湯送下如上膈熱多食後服此方凡男女骨蒸皆可
用之不專治產婦

產後編下

骨蒸

三

梅山仙館叢書

保真湯

黃芪 六分 人參 二錢 白朮 二錢 炙草 四分

川芎 六分 當歸 二錢 天冬 一錢 麥冬 二錢

白芍 二錢 枸杞 二錢 黃連 六分 黃柏 六分

知母 二錢 生地 二錢 五味 十粒 地骨皮 六分

棗三枚去核水煎服

加味大造湯 治骨蒸勞熱若服清骨散梅連丸不效服此方

人參 一兩 當歸 一兩 麥冬 八分 石斛 八分

柴胡 六錢 生地 二兩 胡連 五錢 山藥 一兩

一本無麥冬黃連

一本麥冬石斛俱作八錢柴胡五錢黃柏四分酒炒

枸杞 一兩
黃柏 七分
炒

先將麥冬地黃搗爛後入諸藥同搗為丸加蒸紫河車另搗焙乾為末煉蜜丸

產後編下

骨蒸

三

海山仙館叢書



心痛 第三十二

此卽胃脘痛因胃脘在心之下勞傷風寒及食冷物而作痛俗呼爲心痛心可痛乎血不足則怔忡驚悸不安耳若真心痛手足青黑色旦夕死矣治當散胃中之寒氣消胃中之冷物必用生化湯佐消寒食之藥無有不安若綿綿而痛可按止之問無血塊則當論虛而加補也產後心痛腹痛二症相似因寒食與氣上攻於心則心痛下攻於腹則腹痛均用生化湯加肉桂吳萸等溫散之藥也

產後編下

心痛

三 海山仙館叢書

加味生化湯

川芎 一錢 當歸 三錢 黑薑 五分 肉桂 八分

吳萸 八分 砂仁 八分 炙草 五分

傷寒食加肉桂吳萸傷麵食加神麩麥芽傷肉食加山查砂仁大便不通加肉蓯蓉

小腹痛 第三十四

產後虛中感寒飲冷其寒下攻小腹作痛又有血塊作痛者又產後血虛臍下痛者並治之以加減生化湯

川芎 一錢 當歸 三錢 黑薑 四分 炙草 四分

桃仁 十粒

有塊痛者本方中送前胡散亦治寒痛若無塊但小腹痛亦可按而少止者屬血虛加熟地三錢前胡肉桂各一錢為末名前胡散

產後編下

小腹痛

三

海山仙館叢書

卦谷一錢 當歸 三錢 黑薑 四分 炙草 四分 桃仁 十粒

有塊痛者本方中送前胡散亦治寒痛若無塊但小腹痛亦可按而少止者屬血虛加熟地三錢前胡肉桂各一錢為末名前胡散

川芎 一錢 當歸 三錢 黑薑 四分 炙草 四分

桃仁 十粒

有塊痛者本方中送前胡散亦治寒痛若無塊但小腹痛亦可按而少止者屬血虛加熟地三錢前胡肉桂各一錢為末名前胡散

小腹痛

虛勞 第三十五

指節冷痛頭汗不止

人參 三錢 當歸 三錢 黃芪 二錢 淡豆豉 十粒

生薑 三片 菲白 十寸 猪腎 二

先將猪腎煮熟取汁煎藥八分温服

一本有或用人參一個先將胃略煮後煎湯者藥

產後編下

虛勞

五

海山仙館叢書



一水在瓶用

長秋澄澤清燥煎黃芪藥人合盛煎

生薑 三片 菲白 十寸 猪腎 二

人參 三錢 當歸 三錢 黃芪 二錢 淡豆豉 十粒

以清心氣煎下五

虛勞 第三十五

遍身疼痛 第三十六

產後百節開張血脉流散氣弱則經絡間血多阻滯累日不散則筋牽脈引骨節不利故腰背不能轉側手足不能動履或身熱頭痛若誤作傷寒發表出汗則筋脉動蕩手足發冷變症出焉宜服赴痛散

當歸一錢 甘草 黃芪 白朮 獨活 各八分

肉桂 八分 桑寄生一錢 牛膝 八分 薤白 五根

薑三片水煎服

一本無桑寄生

產後編下

遍身疼痛

三

海山仙館叢書

薑三片水煎服

肉桂 八分 桑寄生一錢 牛膝 八分 薤白 五根

當歸一錢 甘草 黃芪 白朮 獨活 各八分

產後百節開張血脉流散氣弱則經絡間血多阻滯累日不散則筋牽脈引骨節不利故腰背不能轉側手足不能動履或身熱頭痛若誤作傷寒發表出汗則筋脉動蕩手足發冷變症出焉宜服赴痛散

產後百節開張血脉流散氣弱則經絡間血多阻滯累日不散則筋牽脈引骨節不利故腰背不能轉側手足不能動履或身熱頭痛若誤作傷寒發表出汗則筋脉動蕩手足發冷變症出焉宜服赴痛散

產後百節開張血脉流散氣弱則經絡間血多阻滯累日不散則筋牽脈引骨節不利故腰背不能轉側手足不能動履或身熱頭痛若誤作傷寒發表出汗則筋脉動蕩手足發冷變症出焉宜服赴痛散

產後百節開張血脉流散氣弱則經絡間血多阻滯累日不散則筋牽脈引骨節不利故腰背不能轉側手足不能動履或身熱頭痛若誤作傷寒發表出汗則筋脉動蕩手足發冷變症出焉宜服赴痛散

腰痛 第三十七

由女人腎位繫胞腰為腎腑產後勞傷腎氣損動胞絡
或虛未復而風乘之也

養榮壯腎湯

治產後感風寒
腰痛不可轉

當歸 二錢

防風 四分

獨活

桂心

杜仲

續斷

桑寄生

各八分

生薑三片水煎服兩帖後痛未止屬腎虛加熟地三

錢

加味大造丸

治產後日久氣血兩虛腰痛
腎弱方見骨蒸條青蠟丸

產後編下

脇痛

天

海山仙館叢書

胡桃一本作
二十個

胡桃

十二個

破故紙

入兩酒浸炒

杜仲

一斤薑汁
炒去絲

為細末煉蜜丸淡醋湯送六十九

脇痛 第三十八

乃肝經血虛氣滯之故氣滯用四君子湯加青皮柴胡
血虛用四物湯加柴胡人參白朮若概用香燥之藥則
反傷清和之氣無所生矣

一木山萸二錢 補肺散 治脇痛

錢當歸二錢
五味十粒黃
芪八分川芎
六分熟地錢
半木瓜白朮
各一錢獨活
八分棗仁一
錢薑一片無
山藥存參

山萸 當歸 五味 山藥 黃芪 川芎
熟地 木瓜 白朮 獨活 棗仁 各等分
水煎服

產後編下

脇痛

完

海山仙館叢書

木通 熟地 木瓜 白朮 獨活 棗仁 各等分

山萸 當歸 五味 山藥 黃芪 川芎

補肺散 治脇痛

乃肝經血虛氣滯之故氣滯用四君子湯加青皮柴胡
血虛用四物湯加柴胡人參白朮若概用香燥之藥則
反傷清和之氣無所生矣

陰痛 第三十九

產後起居太早產門感風作痛衣被難近身體風定痛湯

川芎 一錢 當歸 三錢 獨活 羌活 白芷 桂枝

荆芥 各五分 炒黑 茯苓 一錢 地黃 二錢

棗二枚煎服

又附陰疔陰蝕陰中瘡曰蠶瘡或痛或癢如虫行狀濃汁淋漓陰蝕幾盡者由心腎煩鬱胃氣虛弱致氣血流滯經云諸瘡痛癢皆屬於心治當補心養腎外以藥薰

產後編下 陰痛

三 海山仙館叢書

洗宜用十全陰疔散

川芎 當歸 白芍 地榆 甘草 各等分

水五碗煎二碗去渣薰日三夜四先薰後洗

一方用蒲黃一升水銀二兩二味調勻搽

一方用蝦蟆兔糞等分為末敷瘡

一方治疔虫食下部及五臟取東南桃枝輕打頭散以綿纏之

一方用石硫黃末將縛桃枝燃之 按此條宜與上條合看燃疑燃之誤

一方截一短竹筒先納陰中以桃枝燒煙薰之

即係裹兒汚血產時惡露隨下則腹不痛而產自安若
腹欠温煖或傷冷物以致惡露凝塊日久不散則虛症
百出或身熱骨蒸食少羸瘦或五心煩熱月水不行其
塊在兩脇動則雷鳴嘈雜暈眩發熱似瘧時作時止如
此數症治者欲洩其邪先補其虛必用補中益氣湯送
三消丸則元氣不損惡露可消

加味補中益氣湯

人參 一錢
白朮 二錢
當歸 三錢
黃芪 一錢

產後編下

惡露

三 海山仙館叢書

白芍 一錢
廣皮 四分
甘草 四分

薑棗煎服

三消丸 治婦人死血食積痰三等症

黃連 一兩 一半用吳萸煎汁去渣浸炒
一 半用益智仁炒去益智仁不用

萊菔子 一兩五錢 炒
川芎 五錢
桃仁 十粒
山梔

青皮 三錢 各五錢俱用醋炒
莪朮 一兩
山查 一兩

香附 一兩 童便浸炒

右為末蒸餅為丸食遠服用補中益氣湯送下五六
十九或用白朮三錢陳皮五錢水一鍾煎五分送下

此方治產後傷食惡露不盡若初產惡露不下宜服生化湯加查炭三錢每日一帖連服四劑妙

亦可



產後編下

惡露

三

海山仙館叢書

衣世... 產後編下... 惡露... 海山仙館叢書

乳瘋 第四十一

乳頭屬足厥陰肝經乳房屬足陽明胃經若乳房腫腫
結核色紅數日外腫痛潰稠膿盡而愈此屬胆胃熱
毒氣血壅滯名曰乳癰易治若初起內結小核不紅不
腫不痛積之歲月漸大如巉巖山破如熟榴難治治法
痛腫寒熱宜發表散邪痛甚宜疏肝清胃濃成不潰用
托裏肌肉不生膿水清稀宜補脾胃膿出及潰惡寒發
熱宜補血氣飲食不進或作嘔吐宜補胃氣乳岩初起
用益氣養榮湯加歸脾湯間可內消若用行氣補血之

產後編下 乳瘋

海山仙館叢書

劑速亡甚矣

瓜萸散 治一切癰疽並治乳癰癰者六
腑不和之氣陽滯於陰則生之

瓜萸一個 連皮搗爛 生甘草 五分 當歸 三錢

乳香 五分 燈 沒藥 五分 燈 金銀花 三錢 白芷 一錢

青皮 五分 水煎溫服

同脉散 乳癰未潰時服此毒
從大便出虛人不用

大黃 三錢 半 白芷 八分 乳香 五分 木香 五分

沒藥 五分 穿山甲 五分 蛤粉 拌炒

共為末人參二錢煎湯調藥末服

一本大黃作
三錢有人參
三錢

風甚 第四十二

用山羊血取色新者於新瓦上焙乾研末老酒冲下五
六分爲度重者用至八分其效如神
又用抱不出壳鷄子瓦上焙乾酒調服
如治虛寒危症用藍鬚子根刮皮新瓦上焙乾研末温
服一錢爲度雖危可保萬全

產後編下

風甚

三

海山仙館藏書



不語第四十三

乃惡血停蓄於心故心氣閉塞舌強不語用七珍散

人參 石菖蒲 川芎 生地 各一兩

辰砂 五分 研 防風 五錢 細辛 一錢

共為細末用薄荷湯下一錢因痰氣鬱結閉口不語者用好明礬一錢水飛過沸湯送下

一方治產後不語

人參 石蓮子 去心 石菖蒲 各等分 水煎服

婦人良方云產後痞心腎虛不能發聲七珍散脾氣鬱

產後編下 不語

美 海山仙館叢書

結歸脾湯脾傷食少四君子湯氣血俱虛八珍湯不應
獨參湯更不宜急加附子蓋補其血以生血若單用佛
手散等破血藥誤矣

產後編下終

嘉應李 性校

補集

產後大便不通用生化湯內減黑薑加麻仁脹滿加陳皮血塊痛加肉桂元胡如燥結十日以上肛門必有燥糞用蜜棗導之

煉蜜棗法

用好蜜二三兩火煉滾至茶褐色先用濕桌傾蜜在桌上用手作如棗樣插肛門待欲大便去蜜棗方便又方用麻油口含竹管入肛門內吹油四五口腹內糞和即通或猪胆亦可

產後編下

補集

三

海山仙館叢書

治產後雞爪風

桑柴灰 三錢存性 魚膠 三錢 炒 手指甲 十二個

共為末黃酒送下取汗即愈

保產無憂散

當歸 錢半 川芎 錢半 炒 黑芥穗 八分 艾葉 七分 酒洗

麵炒枳殼 六分 炙黃芪 八分 兔絲子 錢四分 酒炒

羌活 五分 厚朴 七分 川貝母 一錢 白芍 錢二分 薑炒 薑炒

甘草 五分 薑三片 溫服

右方保胎每月三五服臨產熱服催生如神

治遍體浮腫是脾虛水溢之過凡浮腫者可通用俱神效

真縮砂仁 四兩 萊服子 二兩四錢 研末水浸濃取汁

浸砂仁候汁盡晒乾研極細末每服一錢漸加至二

錢為度淡薑湯送下

保產神效方

未產能安臨產能催偶傷胎氣腰疼腹痛甚至見紅不止勢欲小產危急之際一服即愈再服全安臨產時交骨不開橫生逆下或子死腹中命在垂危服之

產後編下 補集

海山仙館叢書

奇效

全當歸 一錢五分 真川芎 一錢五分 紫厚朴 七分薑汁炒

兔絲子 一錢五分 川貝母 二錢 去心淨煎好方和入

枳壳 六分 川羌活 六分 荆芥穗 八分

黃芪 八分 蘄艾 五分 炙草 五分 白芍 一錢二分 冬用二錢酒炒

生薑三片水二鍾煎八分渣水一鍾煎六分產前空

心預服二劑臨產隨時熱服

此乃仙傳奇方慎勿以庸醫輕加減其分兩

按保產無憂散保產神效方與編首治產秘驗良方俱相同特引論畧別並存參看可也

